

百僚金鑑

百僚金鑑引

稽古之鑑銘曰是爾

前虞爾後唐之太宗

曰以銅為鑑可正衣

冠以六馬鑑可謬興
替以人為鑒可知得
失甚矣鑑之用大也
余不敢自學樂舞也

見改正之書則忠孝
之語則欣然慕躍然
喜起而誌諸壁曰前
事不遠吾之師也久

之積而成帙曰述
方諸也庶異日自照
並以照人乎葦窮鄉
僻壤孤陋貽譏凡金

遷石室之藏委宛岫
嵎之秘洩滋浩歎已
丑之役附驥諸名公
筮仕豫章爾乃濟黃

泥涉楊子覽匡廬
奇峰閩章江之浩蕩
其間名儒碩士靡不
延訪晉接咨以政治

之得矣民出之安老
雖軍旅倥偬而忠愛
之忱未嘗一日忘也
而吾銘其一二照追殲

寇揮城不遏
聖德恒
亨通

天恩下賚
置諸虞常
儒
襁胎詔雖所不
然

廟

獲尾鉅弓擠蹠之後觀
廊輝煌神儀炳蔚而
吾鑑其再照夫垣靡
非庸碌可居而起於

實大夫之職也。在窮
邊絕塞，非布德行仁
之德，莫能塞之。惟
景祐元年，帝烈又

自快矣而無矜其三
照泊讀禮既竟考之
事終而忠之事反來
艾也萬里間闕哉離

寒暑踰梅嶠渡旌關
海若汪洋黎峰嶮巖
弔文莊之遺編披忠
介之芳躅而吾鑑其

四照矣用是可以排
吾謬也流覽數千年
週迴數萬里上自公
孫九鄉下逮百僚庶

尹凡可備吾銘照若
莫不尋華畢集雖其
間不無去彼取此掛
一漏萬而要亦以資

吾治北名之曰百僚
堂銘其後有曲江之
志如夫告

康熙己酉暮春之吉

知瀋州府事陽正
牛天宿觀薇氏誌
於汝南公署

序言

光房南譙下士謬膺瓊宰惟時時以不
克勝任是懼所私竊幸者高山仰止景
行行止獲日侍

覲翁牛老大人先生之側以式型式範是
儀是則云爾

先生持己清正率屬端方休休穆穆不減
古大臣風度至於寧靜淡泊與民休息
俾俗之器者醇士之俚者學風俗之儼
頑者漸漬於仁如史所稱良貳千石吳
公治行潁川政績又何多遜而又好古
力勤暇則取秦漢以下古人而尚論之

固其學問淹通湛深經史抑其蓄諸懷
來者素也午日永長蒲酒芬馥

先生手持數卷以教小子曰是余所訂百
僚金鑑也敬受而讀之自公孤宰執以
暨胥史守尉與夫戮力戎行策勲佐命
之臣微猷懿蹟展卷瞭然光房回之有

感矣立乎後世以觀前何竟謂古今人之不相及也夫昔之視今亦猶今之視昔特人不能返觀內照遂以勲名盛業讓之古人葵所謂返觀內照者則鑑之說也水之鑑物亦猶衡之持平木從繩則直影隨標則正均是道也拂之扶之

存乎其人

先生誠有以教我矣異日者東衡當軸坐
理樞密出平昔之所學以黼黻

皇猷其勲名盛業當必有駕秦漢軼唐宋而
焜耀乎簡冊者簪筆之英方且美不勝
書豈獨海外遐陬之地下吏承流奉爲

金鑑已哉百官以正萬民以治洵可以
今茲之金鑑預爲左券曰樂而授諸梓
以告同有心人倫之鑑者

康熙己酉陽至日甯瓊邑屬吏金光房

具藁

百僚金鑑總目

第一卷

百官原始

稽古總論

宰相總考

第二卷

翰林總考

宮僚

京卿總考

中書

行人

太常

光祿

太僕

鴻臚

尚寶

第三卷

通政總考

大理考畧

第四卷

尚書總考

吏部考畧

戶部考畧

禮部考畧

兵部考畧

刑部考畧

工部考畧

第五卷

給諫總考

都憲總考

布政考畧

按察考畧

第六卷

郡守考畧

刺史考畧

第七卷

知縣考畧

學校考畧

第八卷

燕寧

度量

用人

刑賞

第九卷

恬退

忠烈

第十卷

武功上

武功下

第十一卷

戒石銘

訓廉銘

謹刑箴

西山政訓

清慎勤詩

三字金丹

輿人誦

魯人誦

五字吟

雜詩

第十二卷

樵粵條約

監瓊條約

甯廣條約

條議對

去思碑

百僚金鑑卷之一

吏隱主人陽丘牛天宿輯

百官原始

天下之大。一人不能以獨理。則必分其職于臣鄰。而後明良協贊。庶績咸熙焉。三皇而上不可考。已稽之。燧皇則有四佐焉。曰由明曰必育曰成。博曰隕丘。臣道之始也。嗣是有龍師龍名者矣。朱襄爲飛龍氏。造書契。吳英爲潛龍氏。造甲曆。大庭爲居龍氏。治廬室。昆侖爲降龍氏。驅民害陰。康爲土龍氏。治田里。栗陸爲水龍氏。繫草木。疏導泉源焉。有以火師火名者矣。

春官爲大火。夏官爲鶉火。秋官爲西火。冬官爲北火。
中官爲中火。馬有以雲紀官者。黃帝時瑞雲見。則春
官爲青雲。夏官爲緡雲。秋官爲白雲。冬官爲黑雲。中
官爲黃雲。馬以鳥紀官者。少昊時鳳鳥至。則鳳鳥氏
曆正也。鉉鳥氏司分者也。伯趙氏司至者也。青鳥氏
司啓者也。丹鳥氏司閉者也。祝鳩氏司徒也。睢鳩氏
司馬也。鳴鳩氏司空也。爽鳩氏司寇也。鵲鳩氏司事
也。五鳩。民者也。五雉爲九工。正利器用。正度量。宜
民者也。九扈爲九農正。扈民無滯者也。伏羲之五官。
則春官爲青龍氏。夏官爲赤龍氏。秋官爲白龍氏。冬

官為黑龍氏。中官為黃龍氏。而又有共工為上相。栢
皇為下相。朱襄。吳英。常居左右。栗陸居北。昆連居西。
赫胥居南。葛天居東。陰康居下。而天下治矣。高陽氏
之五官。則重為木正。曰句芒。該為金正。曰蓐收。修相
代為水正。曰鉉冥。以炎帝之子句龍為土正。而帝之
孫為火正。曰祝融。是為五官。官職權輿。大畧可考矣。

稽古總論

堯之四岳九官。舜因之而致無為者。則禹為司空。棄
為后稷。契為司徒。皋陶為士。垂為共工。益為虞。伯夷
為秩宗。后夔典樂。龍作納言。而又肇十有二州。置十

二牧焉。明堂記云有虞之官五十。夏后官百。殷官二百。周官三百。其詳在周官者可也。

按周書云。唐虞稽古。建官惟百。內有百揆。四岳外有州牧。侯伯。庶政惟和。萬國咸寧。夏商官倍。亦克用乂。與明堂記微有不同。大抵古者事簡而官省。後世事煩而官增。將有不止於三百者也。司空即今之工部。司徒即今之戶部。士即今之刑部。共工與虞工部之分隸也。秩宗即今之禮部。典樂即今太常。而納言又今之科道也。但古人因實而得名。今人徇名而失實。可為三嘆。

湯初置二相。以伊尹為右相。仲虺為左相。湯問於伊尹曰。言者所以立三公。九卿大夫列士者。何也。對曰。三公明于天。象者也。九卿通於地理者也。大夫通於人事者也。列士明于法度者也。三公所以參五事。九卿所以參三公。大夫所以參九卿。列士所以參大夫。是謂事宗。事宗不失。內郊若一。是謂大順。

殷紂以周侯昌。衛九侯。濮鄂侯為三公。周書曰。立太師太傅太保為三公。論道經邦。燮理陰陽。少師少傅少保為三孤。二公弘化。寅亮天地。

殷高宗夢上帝賚一良弼。乃使人以形旁求於天下。

說為胥靡。案於傳巖求得之。命以為相。以提百官。置諸左右。朝夕納誨。以受學焉。

成王中立聽政。而四聖維之。周公嘗立於前。史佚常立於後。太公常立於左。召公常立於右。是以慮無失計。而舉無過事。

按成王冲齡嗣位。主少國疑。又值流言之變。斯亦遭家多難時也。乃前後擬丞。左右輔弼。無非正人。且四聖一心一德。同寅協恭。無相傾相軋之習。故能弼成主德。而四方賓服。後之清靜相承。謀斷相資。猶有此意。至牛達李合。丁排寇竄。

風斯下矣

召公治西方。巡行鄉邑。聽斷於隴畝之間。廬于甘棠之下。當蠶桑耕種之時。乃弛獄出居民。使得反業。召公卒。人思其政。甘棠不忍伐。作甘棠之詩。以歌咏之。宣王料民太原。仲甫諫曰。古者不料民。而知其多寡。司民協孤終。司商協民姓。司徒協民旅。司寇協民奸。牧協職工。協革場。協入廩。協出。是則多少生死出入。往來皆可知也。

按料民者。清理民數多少也。司民掌登萬民之數者。協孤終者。考其孤幼老死也。司商掌賜族

受姓之官。謂人始生。吹律合之。以定其姓名也。
司徒考民之師旅。司寇考民之奸宄。牧人考物
色之數。工人考馬羊之皮。革場人知粟入之數。
廩人掌九谷出入之數也。

祭公謀父諫穆王曰。祈招之情。式昭德音。思我王
度。式如玉。式如金。刑民之力。而無醉飽之心。

號公諫宣王曰。民之大事在農。上帝之榮盛。于是乎
出。民之藩庥。於是乎生。事之共給。於是乎在。和協輯
睦。於是乎興。財用藩殖。於是乎始。敦龐純固。於是乎
成。是故稷為大官。惟農是務。無有求利於其官。以干

農功三時務農一時講武故征則威守則有財若是則能媚於神而和於民享祀時至而布施優裕也

周成王問史佚曰何德而民親其上對曰使之以時而敬順之忠而愛之布令信而不食言如臨深淵如履薄冰王曰懼哉對曰天地之間四海之內善之則臣不善則讎也是周之民讎桀紂而臣湯武若之何
不懼也

鮑叔對桓公曰臣所不若管夷吾者五寬惠柔民衆若也治國家不失其柄弗若也忠信可結於百姓弗若也制禮義可法於四方弗若也執旗鼓立於君門

使百姓加勇焉弗若也

管仲告桓公曰。四民者。勿使雜處。雜處則其言囁。其事易。昔先王之處士也。使就閒燕。處工就官府。處商就市井。處農就田野。今天士群萃而州處。閒燕則父與父言義。子與子言孝。其事君者言敬。其幼者言弟。少而習焉。其心安焉。不見異物而遷焉。是故其父兄之教。不肅而成。其子弟之學。不勞而成。桓公悅。用管仲為政。制國為二十一鄉。作內政而寄軍令。謹正鹽筴。以成富強。

孔子為中都宰。制為養生送死之節。長幼異食。強弱

與任。男女別塗。路無拾遺。器不彫偽。為四寸之棺。五寸之槨。因丘陵為墳。不封不樹。行之一年。四方之諸侯則焉。定公謂孔子曰。學吾子此法。以治魯國。何如。孔子對曰。雖天下可平。何但魯國而已哉。

愚按聖人治化。必有大異於人者。非後學所能測識也。人第見其長幼有序。強弱有別。以及化被道塗如此。而不知其所以感之者。不在形。照之間也。則溫良恭儉讓之德。恭寬信敏惠之施。沁入人心。肺而不知者。所以成無為之治化也。坎

子路治蒲三年。孔子過之。入其境曰。善哉。由也。恭敬

以信矣。入其邑曰。善哉。由也。忠信以寬矣。至其庭曰。善哉。由也。明察以斷矣。子貢執轡而問曰。夫子未見由之政。而三稱其善。其善可得聞乎。孔子曰。吾見其政矣。入其境。田疇盡易。草萊甚辟。溝洫深治。此其恭敬以信故。其民盡力也。入其邑。牆屋完固。樹木甚茂。此其忠信以寬故。其民不偷也。至其庭。庭甚清閒。諸下用命。此其明察以斷故。其政不擾也。

公孫喬謂子太叔曰。惟有德者能以寬服民。其次莫如猛。夫火烈。民望而畏之。故鮮死焉。水懦弱。民狎而玩之。則多死焉。故寬難。及子產卒。仲尼聞之。出涕曰。

古之遺逸也

按尚書曰。敷教在寬。孔子曰。寬則得衆。又論政曰。威而不猛。則寬猛之先後可見矣。詩云。不競不絀。敷政。斯韋弦之佩也歟。

魏荀悅作中鑒五篇。大畧曰。爲政之術。先屏四患。以崇五政。僞亂。私壘。汰放。越軌。奢放。制四者不除。則政未由行矣。是謂四患。興農桑以養其生。審好惡以正其俗。宣文教以章其化。立武備以秉其威。明賞罰以統其法。是謂五政。四患既蠲。五政又立。行之次誠守之以固。簡而不怠。疎而不失。垂拱揖讓而海內平。

矣

按此與夫子尊五美屏四惡之旨相發明惜乎
崇尚嚴刻流為刑名之學則聖門之罪人也

宰相總論

蓋自黃帝得六相而天下治。有天下者皆重。爰立如舜相堯。禹相舜。益相禹。伊尹相湯。說相高宗。所從來矣。周官始以太師太傅太保為三公。少師少傅少保為三孤。外朝之法左九棘。孤卿大夫位焉。右三槐三公位焉。三公任宰相。三孤任次輔。而道始備。

秦漢而後廢置不常。在秦為丞相。漢初為相國。孝惠時為左右丞相。成帝時為司空。哀帝改丞相為大司徒。魏黃初改司徒為大丞相。晉罷司徒為中書監。令並掌機務。或兼知政事。

唐武德初定令以太尉司徒司空為三公尚書省門下省中書省為三省貞觀中復本國官以三太為三公繼是有同中書門下三品之名有平章政事之名開元中置左右丞相宋為同平章事叅知政事元豐間置平章政事叅知政事不設獨設中書門下尚書三省如唐官可為尚書左右僕射建炎中復改僕射置同中書門下平章事改中書門下侍郎復為叅知政事皆是職

明洪武中倣宋制置殿閣大學士侍左右脩頤問永樂中簡侍詔解縉等七人入內閣直文淵凡六部大政

咸共平章閣學士預机務自此始嘉靖中又名奉天殿
為皇極文華殿為中極謹身殿為建極而大學士名
官如其初無領吏部尚書而宅於之任有獨重我
朝設內三院曰秘書曰國史曰弘文皆設大學士滿
漢各一人學士多寡不一侍讀學士侍講等官

魏成

魏文侯謂李克曰家貧思賢妻國亂思良相今所置
相非翟璜則魏成二子何如對曰居視其所親富視
其所與達視其所舉窮視其所不為貧視其所不取
五者足以定之矣卒以魏成為相

百里奚之相秦也。勞不坐乘。暑不張蓋。及卒。秦國男女流涕。童不歌謠。春者不相杵。蓋其德足以感人。而不在三置晉君一救荊禍而已也。

蕭何

漢蕭何為相。置田宅。必居窮僻處。為家不治垣屋。曰。後世賢師吾儉。不賢勿為。勢家所奈。

曹參

參代蕭何為相。舉事無所變更。一遵何約束。擇吏木訥重厚。長者。召為丞相吏。言文深刻。欲務聲名者。輒

去之為相三年。百姓歌之曰。蕭何為法。較若畫一。曹參代之。守而勿失。載其清靜。民以寧一。

陳平

漢文帝問陳平曰。君所主者何事也。對曰。宰相上佐天子理陰陽順四時。下遂萬物之宜。外鎮撫四彛諸侯。內親百姓。使卿大夫各任其職焉。帝稱善。

丙吉

吉為丞相。尚寬大。好禮讓。常出逢群鬪。死傷不問。逢牛喘。使隨牛行。幾里矣。或譏其失問。吉曰。民間京兆所當禁。宰相不親小事。非所當問也。方春未可熱。

恐牛行近胃暑故喘。此時氣失節。三公調陰陽。職當憂時人。以為知大體。

公孫弘

弘菑川人。相武帝。嘗起客館。開闢以延賢人。一曰欽賢館。以待大賢。一曰翹材館。以待大材。一曰接士館。以待國士。其有德任賢佐理陰陽者。處欽賢之館。其有才堪九列將軍中二千石者。居翹材之館。其有一介之善。一方之藝者。居接士之館。躬自菲薄。俸祿皆以給之。

郎顗

郎顗曰三公上應台階下同元首政失其道則陰陽
反節今之在位競托高虛累鍾之俸亡天下之憂以
此消伏災眚興致昇平其可得乎

諸葛亮

孔明相蜀自較簿書楊顗諫曰為治有體上下不可
相侵故古人稱坐而論道謂之三公作而行之謂之
士大夫故丙吉不問橫道死人而問牛喘陳平不肯
知錢穀之數云有主者彼誠達於分位之體也今明
公為治乃躬自校簿書流汗終日不亦勞乎

王猛

後秦符堅以王猛為相。軍國內外之事。無不由之。猛剛明清肅。善惡著白。放黜尸素。顯拔幽滯。勸課農桑。練習軍旅。官必當才。刑必當罪。由是國富兵強。戰無不克。秦國大治。

狄仁傑

梁公狄仁傑為相。通事舍人元行冲數規諫。且曰。凡為國家。必有儲蓄。醢醢以適口。參朮以攻疾。僕竊計明公之門。珍味多矣。行冲請脩藥物之末。仁傑笑曰。吾藥籠中物。何可一日無也。

房元齡

元齡為相。明達政事。輔以文學。夙夜盡心。惟恐一物失所。用法寬平。聞人有善。若已有之。不以求脩取人。不以己長格物。與杜如晦引拔士類。常如不及。至拾臺閣規模。皆二人所定。元齡善謀。如晦善斷。二人深相得。同心徇國。故唐世稱賢相者。推房杜焉。

姚崇 宋璟

唐朝姚崇。宋璟。相繼為相。崇善應變。成務。璟協力輔佐。使賦役寬平。刑罰清省。百姓富庶。唐世賢相。前稱房杜。後稱姚宋。人莫得比焉。

璟嘗謂齊澣曰。我何如相。對曰。公可謂救時之。

相耳。崇喜提筆曰：「救時之相，豈易得乎？」

按明皇所用之相，姚崇尚通，宋璟尚法，張嘉貞尚吏，張說尚文，李元紘杜暹尚儉，韓休、張九齡尚直，各有所長也。

韓休

明皇以韓休同平章事，休為人峭直，不干榮利，及為相，守正不阿。甚兄時望，宋璟歎曰：「不意韓休乃能如是。」上或宮中宴樂，及後苑遊樂，少有過差，輒問左右：「韓休知否？」言終，諫疏已至。上嘗臨鏡，默然不樂，或云：「韓休為相，陛下殊瘦於舊。」何不逐之？上歎曰：「吾貌雖瘦，天下」

下必肥。蕭嵩奏事。嘗順旨。既退。吾寢不安。韓休嘗立
爭。既退。吾寢乃安。吾用韓休為社稷耳。非為身也。

楊綰

楊綰同平章事。性。憚。簡。儉。素。制。下。之。曰。朝。野。相。賀。郭
子儀方晏客。聞之。減坐中聲樂五分之四。京兆尹叅
幹鵬從其盛。即日省之。止存十騎中丞崔寬第舍弘
侈。亟毀撤之。

按楊綰一清介之士耳。一陟端揆。而大僚聞風
易志。庶尹。抑奔就簡。况聖人過化存神。又當何
如耶。或謂汾陽成人之美。蓋亦自知傷法之非。

乎

盛懷慎

懷慎為相。清謹儉素。不營資產。所得俸賜。遂散親舊。妻子不免飢寒。所居不蔽風雨。自以才不及姚崇。每事推之。時人謂之伴食宰相。

按伴食宰相。非美名也。然清儉之德。懷冲之志。今之人莫能及也。其視市權營私。矯情傲物者。過隔霄壤矣。

陸贄

陸贄為相。素德宗曰。宰相不過數人。並能遍詣多士。今

臺省長官乃將來之宰相。豈有為長官之時。則不能擇三屬吏。居宰相之位。則可擇千百具僚。是以人主擇輔臣。輔臣擇庶長。庶長擇僚佐。將務得人。無易於此。夫求才貴廣。考課貴精。往者則天欲收人心。進用不次。然而課責既嚴。進退皆速。是以當代誦知人之明。累朝賴多士之用。

權德輿

憲宗問宰相為政寬猛。何先。權德輿對曰。秦以慘刻而亡。漢以寬大而興。太宗觀明堂圖。禁笞人背。是故安史以來。屢有悖逆之臣。皆旋踵而亡。由祖宗仁政。

結於人心不能忘故也。然則寬猛之先後可見矣。

李絳

憲宗問宰相。人言外間朋黨太盛。何也。李絳對曰。自古人君所甚惡者。莫若人臣為朋黨。故小人譖君子。必曰朋黨。何則。朋黨言之則可惡。尋之則無跡。故也。東漢之末。凡天下賢人君子。宦官皆謂之黨人。而禁錮之。遂以亡國。其皆群小害善人之言。願陛下深察之。夫君子與君子合。豈可以必使之與小人合。然後謂之非黨耶。

崔群

憲宗問宰相明皇之政。先理而後亂何也。崔羣對曰。明皇用姚崇。宋璟。盧懷慎。蘇頌。韓休。張九齡。則理。用宇文融。李林甫。楊國忠。則亂。故用人得失。所係匪輕。人皆以天寶十四年安祿山反為亂之始。臣獨以開元二十四年罷張九齡。用李林甫。此理亂之所分也。願陛下以開元初為法。以天寶末為戒。乃社稷無疆之福。

趙普

宋趙普歷相兩朝。性深沉剛毅。果斷雖多忌刻而能以天下為己任。少習吏事。寡學術。太祖勸以讀書。遂

手不釋卷。每歸私第。闔戶啟篋。取書誦之。竟日至。次日臨政處決。如流。及卒。家人發篋。取書視之。則論語二十篇也。嘗謂太宗曰。臣有論語一部。以半部佐太祖定天下。以半部佐陛下致太平。

李沆

沆相真宗。性直諒。內行修謹。居位愼密。不求聲譽。遵法度。識大體。人莫敢干以私。公退終日危坐。未嘗跛倚。治第封丘門內。廳事前。僮客旋馬。或言其太隘。沆笑曰。居第當傳子孫。此為宰相廳事。誠隘。為太祝奉禮廳事。則已寬矣。○嘗讀論語曰。沆為宰相。如論語

中歸用而愛人使民以時尚未能行聖人之言終身
誦之可也

寇準

準為相用人不以次同列頗不悅堂吏持例簿以進
準曰宰相所以進賢退不肖也若用例一吏職耳○
後出知陝州適張詠自成都還準儼供帳大為具以
待詠將別準送之郊問曰何以教準詠徐曰霍光傳
不可不讀也準莫喻其意歸取光傳讀之至不學無
術笑曰此張公謂我矣

王曾

王曾為相。性資端學。人不敢干以私。進退士人。莫有知者。范仲淹嘗問曾曰。明楊士類宰相職也。公之盛德。獨少此耳。曾曰。夫執政而欲使恩歸已。怨將誰歸耶。仲淹服其言。

呂彛簡

慶曆初。仁宗服藥。久不視朝。一日聖體康復。思見執政。促召二府宰臣。許公呂彛簡聞命。移刺方赴。召比至。中使數輩促公同列。亦贊公速行。行愈緩轡。既見上曰。久疾方平。喜與卿等相見而遲。其來何也。公曰。陛下不豫。中外頗憂。一見聞恩。召近臣。若奔馳以

進慮人心驚動耳上以為得輔臣之體及平帝謂臣
臣曰安得憂國忘身如呂彛簡者

吳奎

英宗以吳奎參知政事進治說三篇又嘗言帝王所
職惟在判正邪使君子嘗居要地小人不得以害之
則自治矣帝因言堯時四凶在朝奎曰四凶雖在不
能或堯之聰明聖人以天下為度未有顯過固宜包
容但不可使居非要地耳

王守漢曰宰相以親賢斥姦為首務吳奎相神
宗斥王安石親韓琦司馬光始事仁廟親唐介斥

張堯佐。郭承祐。其真宰相乎。

韓琦

韓琦居相位。苦恨不見於色。再決大策。以安社稷。時朝廷多故。琦處危疑之地。知無不為。或曰。公所為誠善。萬一蹉跌。豈惟身不自保。恐家無處所矣。琦歎曰。是何言耶。人臣當盡力事君。死生以之。至於成敗。天也。豈可豫憂不濟。遂輟不為哉。聞者愧服。與富弼共著功業。故時人稱賢相者。必曰富韓。

趙宣子曰。臣竭股肱之力。繼之以忠貞。其濟則吉。不濟則以死繼之。諸葛武侯曰。臣鞠躬盡瘁。死而後已。此言臣之忠貞也。不濟則以死繼之。諸葛武侯曰。臣鞠躬盡瘁。死而後已。此言臣之忠貞也。

將盡瘁。死而後已。至於成敗利鈍。非臣之明所能逆覩。忠臣謀國。異世同符。若有計利害之心。則畏避之念生焉。後世所以鮮純臣也。

司馬光

溫公居洛十五年。天下以為真宰相。曰夫序老。皆跡司馬相公。婦人女子。亦知其為司馬君實也。嘗云吾平生無過人者。但所為未有不可以對人言者耳。○趙閱道焚香告天。不是此意。

富弼

仁宗問置相於王素。素對曰。惟宦官宮妾不知其姓。

名方可允選。帝曰：如是則富弼耳。至是，文彥博與富弼召至郊，詔百官迎之。及宣制，士大夫相慶於朝。帝遣小黃門覘之，語翰林學士歐陽修曰：古之命相，或得諸夢卜。朕今用二相，人情如此，豈不賢於夢卜哉！

李昉

宋高宗時，李昉負天下之望，以一身用舍係社稷生民安危。身雖在外，知無不言。雖不見用，而心未嘗少變。為相僅七十日，而其忠誠義氣凜然動乎達邇。

葛邲

宋高宗為相，寧寧祖宗法度，薦進人才，惓惓恐

人間之常曰。吾十二時中。莫欺自己。其實踐如此。

耶律楚材

楚材蒙古人。天資英邁。變出人表。正色立朝。不為勢屈。每陳國家利病。生民休戚。辭色懇切。太祖嘗曰。汝又欲為百姓哭耶。楚材每言。興一利。不如除一害。生一事。不若減一事。人以為名言。或譜之曰。楚材為相。二十年。天下貢奉。皆入私門。後使衛士視其庫藏。惟名籍數十張。古今名畫。金石遺文。數千卷而已。

程文海

元宰相程文海曰。天子之職。莫大於擇宰相。宰相之

職莫大於樞進賢宰相不以進賢為急而惟以貨殖為心非為上為國為下為民之意

按宰相自唐以來謂之禮絕百僚見者無長幼皆拜宰相平立以垂手扶之送客未嘗下階客坐稍久則吏從傍唱相公尊重客踧踖起退及富鄭公為相雖微官布衣謁見皆與之抗禮送之及門乃退自是群公稍效之矣

楊上奇

明洪熙時楊士奇入相之初上望見士奇奏事笑謂蹇義夏原吉曰新華蓋學士來奏事必有理

士奇奏言恩詔甫下而惜薪司傳旨賦北京山東棗八十萬斤以貢香炭其數太多民何以堪上喜曰吾固知學士言有理即命減四十萬

上嘗微行夜幸士奇宅中士奇倉卒出迎上已入門立月中士奇俯伏言陛下奈何以社稷宗廟之身而自輕擾擾塵埃昏暗中誰識至尊萬一或有識者變起倉卒何以備之上笑曰思見卿一言故來耳遂屏左右語既竟士奇叩頭曰車駕今夕俯臨外間明日必有知者萬萬自此慎出事變不測可慮也

楊榮

榮年少警悟初以糾寧夏之圍當父皇意其後扈從
臨邊輔導東宮歷事三朝德功並懋嘗疏陳十事皆
指斥五府六部三法司積弊上賢而嘉之密諭榮曰
汝言實切時弊但卿為朕心腹之臣若進此奏恐臣
下益相猜忌不若使慎密御史言之其為上信愛如
此

楊溥

溥初嘗忤旨在獄中十年家人供食父教絕糧不能
繼又上命叵測日與死為隣愈勵志讀書不輟同輩
者止之曰事已如此讀書何用荅曰朝聞道夕死可

也五經諸子讀之數回已而得粹晚年遭遇入相朝廷制作皆出其手謂有賴於欲中之功焉

按楊士奇清君行道犯顏敢諫卓乎莫京矣楊榮歷事三朝功德並茂揆諸文彥博司馬光為無愧焉楊溥身陷囹圄而讀書不輟雖不比姜里之及彖其於黃霸要侯諸人亦有合焉明之稱賢相者首推三楊非溢美也

李賢

英宗時李賢為相最荷寵信值山東大饑出內帑三萬而不足上召賢及徐有貞議有貞曰散銀有弊無

益饒者賢曰天下事未嘗無弊顧奉行何如耳散銀
有弊而不貸是視民飢死而不救也因噎廢食豈為
人上之理上以為然因增銀四萬兩賑之他如陳于
謙定傾保泰之功迎復外藩之誣請戢錦衣官校之
橫請節世襲官之俸請停中外採辦之費皆人所不
敢言者同列每為賢惧賢曰古之大臣知無不言今
雖不能盡然至于利害係國家安危者豈可默然以
以苟祿位哉然上知賢之深終不以為忤也

商輅

商輅為相定國本斥南遷洵稱當國老手後被言官

詆誣上，欲加譴言者。輅曰：臣嘗劾上，優容言官，召用羅倫，已荷嘉納。今因論臣而反責之，如公論何？又皇莊為民厲，因言天子以天下為家，何以往為皆得相臣之體。

李東陽

憲宗時，東陽為東閣大學士。值濟寧宮災，上疏曰：近年以來災異頗仍，內府火災尤甚。或以天道茫昧，變不足畏；此乃慢天之說。或以天下太平，患不足慮；此乃悞國之言。或以齋醮祈禱為弭災，此乃邪妄之術。或以縱囚釋罪為脩德，此乃姑息之謀。越二日，有為

中書李廣乞祠額者東陽以為不可及清寧宮成召
僧人入大內要讚東陽又以為不可四川鎮守太監
羅勗請便宜從事東陽又以為不可上俱從之

丘濬

憲宗時丘濬為相言時政之弊請上端身以立本清
心以應物謹奸尚勿流於異端省財費勿至於耗國
公任用勿失於偏聽禁私謁以肅內政明義理以絕
神奸慎儉德以懷永勸勤政務以弘至治擬為二十
二條以進上覽奏心切嚮用之而濬已老矣

徐壽

憲宗好燒煉之術宰相徐溥上疏請嚴早朝之節復奏事之規勤講學之功優接下之禮遠邪佞之人斥誣罔之說舉劉吉恣威福報私仇之後一以安靜誠信處之行政不必出於己惟其是用人不必出於己惟其賢人以為有休休之度

梁儲

梁儲自劉瑾敗後始得入閣武宗欲自巡邊乃稱職武大將軍促宰臣草勅儲曰臣不敢草上震怒手劍立曰不草勅齒此劍儲免冠解衣帶伏地而跪曰臣有罪今日就死他日陛下猶憫臣若遂革勅他日陛下

下覺而怒曰儲無禮以臣名君罪不可赦上察其誠
惻擲劍起竟不復促草勅矣

楊廷和亦上疏言皇上時出巡遊久不親政天下人
心無不危疑憂懼奈何無故自縻下同臣庶萬一宗
藩之中或有援引祖訓指此為名其本上請不知陛
下何以應之又或以朝無正臣內有奸邪為詞不知
陛下之左右及臣等代言之臣將何以自解疏入不
省

楊一清

嘉靖時一清再召入相上以張錫奏遷顯陵事諭一

清對曰地道當靜靜魄宜安山陵既大定事已襄無故舉遷恐有他虞況獻皇帝大塋之後陛下自藩邸升為天子不謂吉壤不可也乃不果遷

按世之面謀風水者將祖父遺骸一遷不已而至於再三致令骨骸暴露魂魄不寧究之馬鬣無靈牛眠不驗以致零落敗亡而後已真楊公之罪人也

康熙九年冬添設中和太和文華武英等殿各設大學士學士諫吏部禮部尚書侍郎等衙及文淵閣東閣等學士兼各部侍郎等衙

其翰林院內國史內弘文內秘書各院設侍讀學士侍讀等官